



MARTINI SZYSZKOWSKI EPISCOPI CRACOVIE. DVICIS SEVERIEN. EFFIGIEM HIC PICTURA ADVMBRAVIT; SED QUID NISI VMBRAM ASSECUTA? ERVDITIO, VIRTVS, PIETAS, QVIBVS HONORES, DIGNITATES, CÆLVM MERVIT MAIORA CLARIORAQVE SVNT QVAM VT IN VMBRA SPECTARI POSSINT PRIMA CLARITVDINIS AVSPICIA IN PONTIFICATV LVCEORIENSI DEDIT, INCREMENTA IN PLOCENSI FECIT, CVLMEN IN CRACOVIE NSI ATTINGIT, DIGNITATES NEQ. SOLÆ PVRE. NAM LEGATIONEM AD RVDOLPHVM IMPERATOREM CVM REGIS PATRIÆ SVAQVE DIGNITATE OBIIT, CIVILES TVMVLTVS, SEDITIONES, CONFEDERATIONES MILITARES AVCTORITATE GRATIA LIBERALITATE, PLVRIMVM DISSOLVIT AVT PLACAVIT, BELLO TVRCICO CVSTOS VRBIS PVBLICE DESIGNATVS NVMEROSO INSTRVCTOQ. PRÆSIDIO EAM FIRMAVIT, SACRORVM CVRAM PIETATE ET MVNIFICENTIA AGGRESSVS MORVM INTEGRITATI ET DIVINI CVLTVS AMPLIFICATIONI PVBLICA INSTITVTA LEGESQ. DEDIT. QVADRAGINTA AMPLIYS TEMPLA E MANIBVS RELIGIONIS HOSTIVM AVT CORRVPTORVM VINDICAVIT. PLOCIÆ PONTIFICVM SEDI PALATIY PATRIB; SOCIETATIS IESV IBIDEM DOMICILIVM ET LVCEORIE COLLEGIVM CVM GYMNASIO ORDINI MINORVM DE OBSERVANTIA AD KIELCIAS IN MONTE KARCZOWKA ÆRIFODINIS QVONDAM NOTO TEMPLVM IN HONOREM S. CAROLI BOROMÆI ET CÆNOBIVM INSTRVXIT. CHRISTI PASSI MEMORIAM SODALITATE HIC INSTITVTA ET DOTATA HONORAVIT. THEOLOGIÆQVE STVDIO DE CENSV PROVIDIT. ILZE VBI PRÆPOSITVM EGERAT TEMPLVM E LATERE, SACELLVM E SECTO LAPIDE PARENTVM OSSA EXCEPTVRVM CONDIDIT, CASTRO VETTERI ET COLLAPSO OPEROSA MOLITIONE ET ANGVSTIORE FORMA INSTAVRATO. IN RELIGIOSORVM CÆTVS ET ÆGROS AC ÆGENOS AD XIV FLORENORVM MILLIA QVOTANNIS EROGAVIT. ECCLESIE POSSESSIONES FVNDOSO, HOMINVM AVT INIVRIA VIOLATOS DIREPTOSVE RECVPERAVIT ET STABILIVIT. SACRO CONFRATRYM COLLEGIO LOCVPLETIORE ANNONA PROSPECTVM VOLVIT. CVM HÆC ET INNMERABILIA ALIA CONTINVARET PERFICERETO, PONTIFEX PONTIFICEM RESPEXIT, CVIVS SICVT MEMBRA OLIM MIRACVLVM RESPONSVERAT, ITA NVNC OSSA NOVO MAVSOLÆO REPOSITVRS, INGENS OPERE SVMPTV GLORIA MONVMENTVM IN BASILICA VRBIS HVIVS EREXIT, AC DENIQ. PERFECTVM FEREO PVS TANQVAM IPSE DIVO IN COELIS OBLATVRS, TERRIS EXCESSIT. PRIDIE CALEN. MAI. ANNO DNI. M. DC. XXX. ÆTATIS SVÆ LXXVI.

*Wojnarowski*

345

Bibl. Jag.

525

Jędrzejowski Marcin B. V.

t. 3